

Broj: 100/21

Datum: 18. 03. 2021. godine

Na osnovu člana 100. stav (3) Zakona o javnim nabavkama Bosne i Hercegovine ("Službeni glasnik BiH" broj 39/14), rješavajući po žalbi potencijalnog ponuđača "GRADPROM" d.o.o. Srbac, zastupanog po punomoćniku Antonić Mili, advokatu iz Banja Luke, od 12.03.2021. godine, zaprimljena 15.03.2021. godine, izjavljenoj na tendersku dokumentaciju broj: 90/21 u postupku javne nabavke usluga "Usluge štampanja i s tim povezane usluge", za koju je objavljeno Obavještenje o javnoj nabavci 5441-7-2-1-3-1/21 od 11.03.2021. godine, direktor Javne ustanove Bosanski kulturni centar Tuzlanskog kantona, donosi

RJEŠENJE

Usvaja se žalba potencijalnog ponuđača "GRADPROM" d.o.o. Srbac, zastupanog po punomoćniku Antonić Mili, advokatu iz Banja Luke, od 12.03.2021. godine, zaprimljena 15.03.2021. godine, izjavljena na tendersku dokumentaciju broj: 90/21 u postupku javne nabavke usluga "Usluge štampanja i s tim povezane usluge", za koji je objavljeno Obavještenje o javnoj nabavci 5441-7-2-1-3-1/21 od 11.03.2021. godine.

Ovo Rješenje je osnov za preduzimanje radnje ispravljanja od strane ugovornog organa i izmjenu tenderske dokumentacije broj: 90/21 i poništenje postupka javne nabavke „Usluga štampanja i s tim povezanih usluga“.

Ugovorni organ će o preduzetoj radnji poništenja postupka javne nabavke obavijestiti sve potencijalne učesnike u postupku, te će ovo Rješenje biti objavljeno na web stranici Ugovornog organa.

Usvaja se zahtjev žalitelja za nadoknadu troškova žalbenog postupka, koji se sastoje od troškova sastava žalbe po punomoćniku Antonić Mili, advokatu iz Banja Luke, u iznosu od 658,12 KM, dok se u preostalom dijelu postavljene zahtjeve odbija kao neosnovane.

Rješenje stupa na snagu danom donošenja.

Obrazloženje

Javna ustanova Bosanski kulturni centar Tuzlanskog kantona (dalje: Ugovorni organ) je na osnovu Odluke o pokretanju postupka javne nabavke „Usluga štampanja i s tim povezanih usluga“ broj 89/21 od 10.03.2021. godine pokrenuo postupak javne nabavke Usluga štampanja i s tim povezanih usluga, te je dana 11.03.2021. godine na portalu javnih nabavki objavljeno Obavještenje o nabavci broj: 5441-7-2-1-3-1/21 i Tenderska dokumentacija broj: 90/21.

Ugovorni organ je dana 15.03.2021. godine zaprimio žalbu na tendersku dokumentaciju od 12.03.2021. godine, uloženu od strane potencijalnog ponuđača "GRADPROM" d.o.o. Srbac, zastupanog po punomoćniku Antonić Mili, advokatu iz Banja Luke.

Ugovorni organ je utvrdio da je žalba blagovremena, dopuštena i izjavljena od ovlaštenog lica.

U žalbi je navedeno da tenderska dokumentacija nije sačinjena u skladu sa odredbama Zakona o javnim nabavkama (u daljem tekstu: ZJN) i podzakonskim aktima, kako slijedi:

Žalitelj osporava tačku c) Uslove za kvalifikaciju ponuđača, odnosno tačku 1) minimalne uslove za kvalifikaciju ponuđača, a koja se odnosi na Lična sposobnost – u smislu člana 45. ZJN. U tenderskoj dokumentaciji je navedeno, a u skladu sa članom 45 stav 1 ZJN-a da će: „Ugovorni organ odbaciti ponudu ako: a) ponuđač nije ispunio obaveze u vezi sa plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registriran; kao i ako b) ponuđač nije ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registriran. Kao dokazi o istom navode se a) Uvjerenja nadležnih institucija kojim se potvrđuje da je ponuđač izmirio dospjele obaveze, a koje se odnose na doprinose za penziona i invalidsko osiguranje i zdravstveno osiguranje, i b) Uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza. Dalje se navodi da se „navedeni dokazi lične sposobnosti iz ove tačke tenderske dokumentacije dostavljaju kao ovjerena kopija originala, s tim da datum izdavanja originala ne može biti stariji od tri mjeseca računajući od dana dostavljanja ponude (pod danom dostavljanja ponude smatra se dan koji je Ugovorni organ odredio u ovoj tenderskoj dokumentaciji kao datum za prijem ponuda)“.

U žalbi se navodi da je, a u vezi sa članom 45 stav (2) do (4) ZJN-a, Ugovorni organ u tenderskoj dokumentaciji u svrhu dokaza o ispunjavanju uslova da je ponuđač ispunio obaveze iz člana 45. stav (1) ZJN-a, trebao zahtijevati od ponuđača da u svrhu ispunjavanja navedenih obaveza dostavi izjavu ovjerenu kod nadležnog organa, u formi i na način koji propisuje Agencija podzakonskim aktom stav (4), kao i da je ponuđač kojem bude dodijeljen ugovor obavezan dostaviti navedene dokaze iz stava (2) član 45 ZJN-a.

Nadalje, žalitelj osporava tendersku dokumentaciju u dijelu „Kriterija za dodjelu ugovora“, tačka d) Podaci o ponudi, a koji se odnose na kriterij najniže cijene za dodjelu ugovora (tačka 7), stranica broj 7). Naime, žalitelj navodi da je ugovorni organ pripremio tendersku dokumentaciju suprotno odredbama člana 10. Pravilnika o uslovima i načinu korištenja e-aukcije („Službeni glasnik BiH“, broj 66/16), prema kojem je propisano da su od 01.01.2020. godine ugovorni organi dužni za sve postupke javne nabavke iz člana 1. stav (1) ovog pravilnika, kod kojih se koristi kao kriterij za dodjelu ugovora najniža cijena, predvidjeti provođenje e-aukcije u sistemu e-Nabavke.

Iz navedenih razloga žalitelj predlaže da ugovorni organ obustavi postupak javne nabavke, žalbu usvoji, odluči o naknadi troškova za sastav žalbe, usvoji zahtjev žalitelja za nadoknadu troškova sastava žalbe u iznosu ad 1.053,00 KM, tendersku dokumentaciju uredi u skladu sa zakonskim propisima, te da ugovorni organ iznos od 1.053,00 KM u roku ad 15 dana od dana donošenja odluke po žalbi uplati na račun žalitelja koji se vodi kod "NLB banka" a.d. Banja Luka broj: 562-01080872831-46.

Ugovorni organ je razmotrio uloženu žalbu, te žalbene navode žalitelja ocijenio kao osnovane, zbog čega je u skladu sa odredbom člana 100. ZJN-a, odlučeno kao u dispozitivu.

Postupajući po žalbi i djelujući u skladu sa navedenim članom ZJN-a, ugovorni organ donosi rješenje o usvajanju žalbe u cijelosti i istovremeno preduzima radnju ispravljanja na način da će izmijeniti tendersku dokumentaciju u cijelosti u skladu sa navodima iz žalbe, te da će, s tim u vezi, poništiti postupak javne nabavke usluga štampanja i s tim povezanih usluga.

Žalitelj je tražio odlučivanje o nadoknadi troškova na ime sastavljanja žalbe prema dostavljenom troškovniku u iznosu od 1.053,00 KM sa uračunatim PDV-om. Usvaja se zahtjev žalitelja za naknadu troškova žalbenog postupka koji se sastoje od troškova za sastav žalbe po punomoćniku/advokatu Antičić Milu, u iznosu od 658,12 KM, dok se u preostalom dijelu postavljeni zahtjev odbija kao neosnovan. Navedeno je u skladu sa članom 105. Zakona o upravnom postupku BiH, kojim se pri znaju troškovi koji se sastoje od troškova sastava žalbe po advokatu u iznosu od 450,00 KM, paušal od 25% u iznosu od 112,50 KM i pripadajući iznos PDV-a 17% u iznosu od 95,50 KM, što je ukupno 658,12 KM, dok je u preostalom iznosu postavljeni zahtjev žalitelja odbijen kao neosnovan.

O visini troškova odlučeno je primjenjujući tarifni broj 3. Tarife o nagradama i naknadi troškova za rad advokata u Republici Srpskoj („Službeni glasnik RS“ broj 68/05), koji propisuje nagradu u neprocjenjivim predmetima u upravnom postupku, sastav žalbe u upravnom postupku, 150 bodova uvećano sa 50% za sastav pravnog lijeka i paušal u skladu sa tarifnim brojem 12. ATRS. Navedeno je u skladu sa stavom Suda BiH iznesenim u presudi broj: SI 3 U 023495 16 U od 16.03.2018.godine i potvrđeno u presudi Apelacijskog upravnog vijeća Suda BiH broj: SI 3 U 023495 18 Uvp.

Pouka o pravnom lijeku: Protiv ovog rješenja se može izjaviti žalba Uredu za razmatranje žalbi (URŽ), putem Ugovornog organa direktno ili preporučenom poštanskom pošiljkom u roku od 5 (pet) dana od dana prijema Rješenja.

Direktor JU BKC TK

Mirela Ibrahimović Mehanović

Mirela Ibrahimović Mehanović,
dipl. muzikolog, prof.

Dostavljeno:

- 1x GRADPROM d.o.o. Srbac, po punomoćniku Antičić Mile, advokatu iz Banja Luke
- 1x svim ponuđačima
- 1x Sekretar Komisije
- 1x a/a